

Sò cascati

Si chjode lu pugnu
Di stu zitellu feritu
Chì sente in lu so pettu
Un pezzu di ferraglia
Chì li brusgia lu core
È stu dolore, serà forse la morte

Fighjendu in lu so celu
Vede una striscia di sole
Chì li scalla u core
Cum'è lumi di paradisu
È per ellu chì si spenghje
Seranu sicuri, lumi di paradisu

Mille bandere sò cascate
Mille bandere abbandonate
Scurdate ind'una storia
Perse in le vostre memorie

Sò per i morti immurati
Sò per quelli chì sò cascati
Ghjè per un maghju d'orrore
Chì accompagna u dolore
Di l'omu nantu a so sedia
Chì si pesa, chì ci crede, è chì spera

In stu ghjornu di maghju
A natura era in culore
A palistra di ferraglia, hè cascata
Nantu un populu ammansatu
Culunisatu è marturiatu
Ma ditemi induv'è site
Simu tutti quì e circhemu à cappì

Mille bandere sò cascate
Mille bandere abbandonate

**Scurdate ind'una storia
Perse in le vostre memorie.**